

NemID – Maleruagassat

Netbank-imi aamma pisortat digital-iusumik atsiorfissiaanni NemID-mut maleruagassat.

1 Aallaqqaasiut

NemID tassaavoq sillimaniarneq pillugu aaqqiissut, illit netbank-inni, pisortat namminersortullu nittartagaanni atorsinnaasat. NemID aamma atorsinnaavat digital-iusumik atsiorniaarangavit.

NemID-mut ilaapput atuisup kinaassusia, isissut aamma matuersaat isissut, tassani isissutissat allatorneqarsimapput (matuersaatiniik taasat), taakku atuisutut kinaassutsinnut aamma isissutigisartakkannut ilanngullugit allattugassaraatit.

IVR-mik aaqqiissut (Interactive Voice Response-p atorlugu kinaassutsimik ilisarinnittarneq) oqarasuaat aqutugalugu matuersaammut isissutissannut ilanngullugu pissarsiarissavat.

Qarasaasiatigoortumik matuersaatiniik sumiissusersiummik pissarsinissamut aamma periarfissaqarputit, taakku matuersaatiniik nalunaaruteqarsinnaapput. Taamaattoq suli matuersaat isissutissaq pigisat paarisariaqarpat, pisut ilaanni atorfissaqartissinnaagakku.

Pisortat digital-iusumik atsiorfissiaannut NemID pigisat atorsinnaajumagukku, taakku saniatigut NemID-mut OCES-imik uppersaasat attuumassuteqalersittariaqarpat. OCES naalisaaneruvoq, isumaqarlunilu pisortat qarasaasiatigoortumik sullissinerannut uppersaasat.

NemID-mut maleruagassat atuuttut kinguliini allassimasuni atuarsinnaavatit. Netbank-innut NemID pigisat taamaallaat atortarumagukku, tassunga malittarisassat ilinnut atuuttut immikkoortumi 2-mi aamma 3-mi atuarneqarsinnaapput. Taamatuttaaq netbank-inni NemID-mik atuinissaq illit aningaaserivimmut isumaqatigiissutinni maleruagassiorneqarnikuvoq. Taamaalilluni illit aningaaserivimmut isumaqatigiissutinni atuarneqarsinnaassaaq, akiliisitsiniartarneq pillugu inatsimmi akiliisussatut pituttortarnermut aamma akisussaanermut malittarisassat qanoq annertutigisumik atorneqarnersut.

Pisortat digital-iusumik atsiorfissiaannut NemID pigisat aamma atortarumagukku, malittarisassat ilinnut atuuttut immikkoortoq 2, 3 aamma 4-mi atuarneqarsinnaapput.

Malittarisassat aamma www.nemid.nu -mi aamma www.nets-danid.dk -mi nassaassaapput.

Imatut DanID paasineqassaaq Nets DanID A/S cvr. 30808460.

Atortorissaarut ima paasineqassaaq, atortorissaarummit NemID atorneqarpoq, assersuutigalugu qarasaasiaq, oqarasuaat angallattagaq imaluunniit qarasaasiaarannguaq.

2 Iliuutsit pisussaaffiliisuusut

NemID atoraangakku iliuuseqarlutillu, assersuutigalugu digital-iusunik naqiterillutit, tiguisissamut tunngatillugu pisussaatitaalissaatit, soorlu nammineq najuullutit atsiugassamut atsiortarnivit assinganik.

3 NemID-mik atuineq pillugu maleruagassat

3.1 NemID-mik atuinermut attavilersinneq

NemID-mut attavilersikkuit, paasissutissat tamakkiisuunissaannut eqqortuunissaannullu illit pisussaaffeqalissaatit.

3.2 Atuisutut kinaassutsimik, isissutissamik aamma matuersaammik isissutissamik paarisagarneq

Eqqumaffigissavat illit;

- atuisutut kinaassutsimik, isissutissamik aamma matuersaammik isissutissamik qularnaatsumik illersorneqarsinnaasumillu paarsissagavit, taamaalilluni allanit taakku atorneqarsinnaassanngimmata,
- isissutissat paasissutissiissutigissanngilat, matuersaatitit imaluunniit matuersaatit isissutissaatitit allanut paaritissanngilatit,

- matuersaatitit nuutsitanngorlugit assilissanngilatit, attaveqaammut avataaneersumut matuersaatitit naqitissanngilatit imaluunniit allatut ittumik digital-iusunngortissanngilatit matuersaatitilluunniit nuutsitanngortillugit,
- isissutissat allasanngilat,
- isissutissat matuersaatinut isissutissanut/matuersaatinut tikkuussissutinnut ilanngullugu toqqortassanngilat imaluunniit isissutissat matuersaatinut isissutissannut/matuersaatinnut tikkuussissutinnut allattassanngilat

3.3 Atuinermi sillimaniarneq

Qulakkeertariaqarpat;

- illit atuisutut kinaassutsit, isissutissat aamma matuersaatit isissutissat/matuersaammut tikkuussissut taamaallaat ilinnit atorneqarsinnaassammat tamannalu maleruagassat malillugit pissammat,
- isissutissavit allannerani allanit takuneqarnissaanut periarfissiissannginnavit,
- NemID qarasaasiami atortillugu, ingerlasarneranut atortorissaarutai, internet-imik saqqummersitsissutai aamma programmit allat sillimaniarnikkut nutarterinernik kingullernik taakku peqarnissaat

Matuersaatit isissutissat/matuersaatinut tikkuussissutit katassimannginnerlugu aamma NemID atornerlunneqarsimannginnersoq ingerlaavartumik misissortassavat. NemID sumi atorsimanerit www.nemid.nu -mi immikkut sullinnissamut aaqqiissummiittumi "Hændelseslog"-imut nalunaarsorneqassasoq toqqarsinnaavat, tassanilu nittartakkanik saqqummiussisartuni iserfigisimasanni NemID taamaallat atorneqarsimanersaq ingerlaavartumik misissortarlugu.

3.4 Utaqqiisaasumik isissutissaq

Netbank-imik atuilerlaajuguit, NemID-mik pilersitsileruit utaqqiisaasumik isissutissamik tigusaqassaait. Taama iliussaait isissutissat matutissimagukku, matusineq pillugu immikkoortoq 3.5 takuuk.

Utaqqiisaasumik isissutissaq allanit ilisimaneqalersimasoq paasineqarsimasorluunniit paasigukku, assersuutigalugu allakkat isissutissamik imaqartut amigaateqarpata,

erngerlutit DanID imaluunniit illit aningaaseriviit nutaamik utaqqiisaasumik isissutissamik qinnuigissavat.

3.5 Matusineq

3.5.1 Erngersumik matusinissamut pisussaaffeqarputit

Erngersumik matussavat;

- illit **matuersaatit isissutissaq** pigisat, matuersaat isissutissaq allanit ilisimaneqalersimasoq paasineqarsimasorluunniit paasigukku, assersuutigalugu allakkat matuersaammik isissutissamik imaqartut tигuneranni amigaateqarpata,
- illit **matuersaatinut tikkuussissut** pigisat, allakkat matuersaatinut tikkuussissummik imaqartut tигuneranni amigaateqarpata,
- **matuersaatit isissutissaq/matuersaatinut tikkuussissut**, taanna katassimagukku. Matuersaatit isissutissaq/matuersaatinut tikkuussissut tammaanikuusaq nanigukku, taanna aserorterneqassaaq,
- **isissutissat**, isumaqarutit taanna allanit ilisimaneqalersimasoq paasineqarsimasorluunniit paasigukku, www.nemid.nu aqutigalugu erngersumik taassuma allangortinnissaanut periarfissaqarsimanngikkuit

3.5.2 Matusinermi saaffiginninneq

Isissutit aamma/imaluunniit matuersaat isissutissaq/matuersaatinut tikkuussissut pigisat matugukku, illit aqqit, najukkat aamma inuttut normut imaluunniit atuisutut kinaassutsit illit normulluunniit illit matuersaatinni isissutissanniittoq imaluunniit illit matuersaatinut tikkuussissutinniittoq ilisimatitsissutigissavatit.

Tamatuma saniatigut isissutissaq imaluunniit matuersaat isissutissaq/matuersaatinut tikkuussissut matuneqassanersoq ilisimatitsissutigissavat. Isissutissaq matutikkukku, DanID-ip matusinermut atatillugu piffissaq matusiffik sunalu patsisaanersoq pillugit uppernarsaat nassiutissavaa.

Isissutissaq aamma/imaluunniit matuersaat isissutissaq/matuersaatinut tikkuussissut pigisat matusinnaavat, imaaliornikkut;

- Oqarasuaammut sianerlutit uunga: 80 30 70 10 (ulloq unnuarlu),

- nittartakkamat www.nemid.nu iserfigalugu (ulloq unnuarlu),
- aningaaserivinnut imaluunniit illit kommuninni innuttaasunut sullissivimmuut saaffiginnillutit (pisortat digital-iusumik atsiorfissiaannik ilaqartumik NemID-mik peqaruit)

www.nemid.nu -mi imminut sullinnermut aaqqiissummiittumi "Hændelseslog"-imi, isissutissannik aamma/imaluunniit matuersaatit isissutissannik/matuersaatinut tikkuussissummik matusinermi piffissaq matusiffiusoq patsisaasorlu ingerlaavartumik misissorsinnaavat.

3.5.3 DanID-ip matusinissamut periarfissaa

DanID-ip matussavaa;

- illit isissutit, illit isissutit allanit ilisimaneqalersimasoq DanID-ip pasitsaakkuniuk paasisimaguniulluunniit
- illit isissutit, isissutissaq aalajangersimasumik arlaleriarluni allanneqarsimappat
- illit matuersaat isissutissat/matuersaammut tikkuussissutit, illit matuersaat isissutissat/matuersaammut tikkuussissutit allanit ilisimaneqarlersimasoq DanID-ip pasitsaakkuniuk paasiguniulluunniit
- NemID, maleruagassat immikkoortoq 3-miittut illit malissimangikkitit DanID-ip paasiguniuk
- NemID, NemID-mut atassusertinnermut atatillugu paasissutissannik eqqortuunngitsunik paasissutissiisimaguit
- NemID, toqukkut qimagussimasutit DanID nalunaarutisiguni

3.5.4 Matusinerup kingorna NemID-mik atuneq

NemID imaluunniit isissutissaq matuneqarsimappat NemID atorsinnaanngilat. Matuersaat isissutissaq/matuersaatinut tikkuussissut pigisat taamaallaat matuneqarsimappat, illit netbank-innut killilimmik isersinnaanerit aningaaseriviit ilaasa akuerisarpaat, assersuutigalugu illit konto-tit pillugit paasissutissat misissornissaannut.

3.6 NemID-mik atuinermik unitsitsineq

NemID-mik atuinissaq kissaatigiunnaarukku, sukkulluunniit NemID-mik atuinissamut pisinnaatitaanerit matusinnaavat, matusineq pillugu immikkoortoq 3.5.2 takuuk. Malugiuk, NemID-mik atuisutut sullissiviit atorineqarsinnaasut taamaalillutit atorsinnaajunnaassagakkit.

3.7 Inuttut paasissutissanik suliarinnineq

Illit aningaaseriviit aqutugalugu NemID pilersissimagukku, illit pillutit inuttut paasissutissat aningaaserivik sinnerlugu DanID-ip suliarissavai. Illit pillutit paasissutissat, soorlu illit atit, najukkat aamma inuttut normut, kinaassusersisinnaajumallutit aamma ilinnut nalunaarsinnaajumalluni e-mail-itut atukkat, assersuutigalugu matusineq uppersarumallugu DanID-ip suliarissavai.

DanID-mut oqarasuaativit angallattakkap normua nalunaarsorsimagukku, taanna atorlugu nalunaarutinik DanID-ip nassittassavaatit, assersuutigalugu utaqqiisaasumik isissutissat pillugit nalunaarutinik.

NemID-mik atuinikkut atuisup oqarasuaataanut atatillugu iserfissiat fil-it pilersinneqarsinnaapput. Fil-it taakku atuisumit piiarneqarsinnaapput, tamanna kissaatigineqarpat. Sillimaniarnerup ilaatut, piffissat NemID-mik atuiffigisatit, IP-adresse aamma NemID-mik atuiffigisanniit oqarasuaammiittut paasissutissat allat DanID-mit nalunaarsorneqartassapput.

NemID-itut aaqqiissummi java-applet-imik taagugaq, atuisup qarasaasiaani ingerlasartoq atorineqarpoq. Atortorissaarutit qularnaatsumik pitsaasumillu atorsinnaanissaa qulakkeerumallugu, atuisup qarasaasiaanut applet-ip isissutit toqqortertarpai.

Logfil-it aamma sillimaniarneq pillugu annertunerusumik atuagaqarit uani
[www.nemid.nu/om_nemid/sikkerhed/logning]

www.nemin.nu -mi imminut sullinnermi aaqqiissummi NemID-mik sumi atuisimanerit nalunaarsorneqassasoq toqqarukku, nittartakkanik sullissivik sorleq NemID-mik atuiffigisimanerit ilanngullugu DanID-ip aamma nalunaarsortassavaa. Nalunaarsuineq

taanna sukkulluunniit atorunnaarsinnaavat. Matuma kingorna NemID-mik sumi atuisimanerit DanID nalunaarsorneqartarunnaassaaq.

Paasissutissat taakku piiarneqarnerisa kingorna ukiuni arlalinni + ukiuni tallimani DanID-ip toqqortaaticigissavai.

3.8 NemID pillugu piunasaqaatit

Piunasaqaatit illit netbank-inni NemID-mik atuisuuninnit pinngortut, illit netbank-imut isumaqatigiissutinnut atatillugu illit aningaaserivinnut saaffiginnissutigineqartassapput. Piunasaqaatit nittartakkani allani NemID-mik atuinerup malitsigisaanik pilersut, nittartakkamik neqerooruteqartumut imaluunniit DanID-mut saaffiginnissutigineqartassapput.

3.9 IVR-imik aaqqiissut pillugu immikkut eqqaasariaqartut

IVR-imik aaqqiissut tappiitsunut isigiarsuttunullu naatsorsuussaaneruvoq. IVR-imik aaqqiissut aqutigalugu matuersaat pissarsiarigukku, oqarasuaammi matuersaatiniq tigusiffigisartakkanni sillimaniarnermut iliuusissat, matuersaat isissutissamut/matuersaammut tikkuussissummut maleruagassani taaneqartut, assingi aalajangiutissavatit.

Tamatuma kingunerissavaa

- Illit qulakkiissagit, oqarasuaat matuersaatiniq tigusiffigisartakkat malitsigisaanik matuersaatiniq allattuiffigisat, qarasaasiamut/oqarasuaammut atassuteqassanngitsoq,
- Isissutissat erngersumik matussagit, oqarasuaat matuersaatiniq tigusiffigisartakkat annaagukku imaluunniit oqarasuaativit attavia atornerlunneqartoq paasigukku

3.10 NemID-mik atuinermut malittarisassanik allanngineq

Kalerrinertaqanngitsumik maleruagassat allanngortinnissaannut DanID pisinnaatitaavoq, tamanna pisarpoq sillimaniarikkut piunasaqaatit, NemID-mut atuuttut allannguuteqarnerisa malitsigisaannik. Allannguutit atuutilersarput, taakku www.nemid.nu - mi saqqummiunneqaraangamik. Illit e-mail-it DanID-ip nalunaarsorsimaguniuk, e-mail

aqqutigalugu allannguutit pillugit malunaarutisissaatit. Allannguutissat allat atuutilernissaat sioqqullugu qaammatinik pingasunik sioqqutisumik www.nemid.nu -mi kalerriutigineqartussaapput.

4 Pisortat digital-iusumik atsiorfissiaat pillugu immikkut ittumik malittarisassat

Pisortat digital-iusumik atsiorfissiaannut NemID-ip atortarnissaa toqqarukku, maleruagassat immikkoortoq 2-miittut aamma 3-miittut immikkoortoq 4-mi maleruagassanit ilaneqassapput.

Tamanna kissaatigigukku assigiinngitsunik NemID-qarnissat qinnutigisinnaavat, taamaalillutit illit netbank-innut aamma illit pisortat digital-iusumik atsiorfissiaannut assigiinngitsunik matuersaatinik isissutissanik/matuersaammut tikkuussissutinik aamma atuisutut kinaassutsimik pissarsissallutit.

4.1 Inummut tunngatillugu paasissutissanik suliarinnineq

OCES-imik uppersaat ilinnut tunniunneqarpat NemID-mullu atassuserneqarluni, ukununga akuersinerit pissaaq,

- Illit atit najukkallu pillugit DanID CPR-imi paasiniaassaaq
- IT- og Telestyrelse-mi pisortat PID-mik sullissiffiannut illit pisortat digital-iusumik atsiorfissiaanni aamma illit inuttut normuvit akornanni, ataqatigiissut DanID-ip ingerlateqqissinnaavaa. PID-mik sullissiffik pisortat sullissinermik neqerooruteqartarfianni illit kinaassusersiumallutit paasiniaanermut atorineqartarpoq. Sullissinermik neqerooruteqartartup namminersortup sullissinermik neqerooruteqartumut iseruit, taamaallaat illit akuersisimaguit illit inuttut normut pissarsiarisinnaavaa
- Siusinnerusukkut digital-iusumik atsiorfimmiit PID-normu, pisortat PID-mik sullissiffianni DanID-ip pissarsiarinialugu paasiniaasinnaavoq

Illit netbank-innut atatillugu NemID-mik pissarsisimaguit pisortallu digital-iusumik atsiorfissiaannut NemID-mik atuisarumallutit, illit inuttut paasissutissaativit (ateq, najugaq, inuttut normu aamma e-mail aamma oqarasuaatip angallattakkap normua) DanID-mut aningaaseriviup ingerlateqqissinnaagai akuersissutigisimassavat, taamaalilluni illit

paasissutissaatit atorlugit DanID-ip illit pisortat digital-iusumik atsiorfissiannik atuinissamik tunisinaallutillu paasissutissaatit aqutsivigisinnaassavai.

Pisortat digital-iusumik atsiorfissiannik tunniussinermut atatillugu NemID-mik pissarsisimaguit illillu netbank-inni NemID-mik atuinissaq kissaatigalugu, aningaaseriviup apeqquteqarnera aqutigalugu illit aningaaserivinnut NemID pillugu paasissutissanik DanID ingerlatitseqqiisinnaasoq akuersissutigissavat, taamaallutit illit netbank-inni NemID atorsinnaaniassagakku.

Siuliini allanneqartutuut NemID pillugu illit inuttut paasissutissaativit aamma/imaluunniit paasissutissaativit suliarineqartarnerat pisanunnaassasoq kissaatigukku, illit pisortat digital-iusumik atsiorfissiaataat pigisat matusinnaavat, DanID-mut imaluunniit innuttaasunik sullissivikkut saaffiginnikkut aamma/imaluunniit illit netbank-imut isersinnaanerit matutillugu illit aningaaserivinnut saaffiginnikkut. Pisortat digital-iusumik atsiorfissiaataat pigisat matugukku, illit netbank-inni NemID pigisat taamaallaat atorsinnaalissavat; netbank-imut isersinnaanerit matugukku, pisortat digital-iusumik atsiorfissiaataat pigisat taamaallaat atorsinnaalissavat.

4.2 Pisortat digital-iusumik atsiorfissiaataannik tassungalu atasumik OCES-imik uppernarsaatitalimmik piginnittut pisussaaffitit akisussaaffitillu

Ateq, e-mail-ilu pillugit paasissutissat OCES-imik uppernarsaammiittut eqqortuunerat qulakkeertussaavat.

Paasissutissat OCES-imik uppernarsaammi atuarneqarsinnaasut allannguuteqarpata – assersuutigalugu illit atit allanngortikkukku – OCES-imik uppernarsaat pigisat ullut 30-it qaangiutsinnagit nutartissavat. OCES-imik uppernarsaat ullut 30-it qaangiutsinnagit nutarterneqanngippat, paasissutissallu eqqortuunngitsut DanID-mit paasineqarpat, illit OCES-imik uppernarsaat pigisat DanID-ip matussavaa.

OCES-imik uppernarsaat pigisat uppernarsaatini inunnut allanut tunniussinermut atoqqusaanngilaq.

4.3 Illit OCES-imik uppernarsaatinnik matusineq

Illit OCES-imik uppernarsaat pigisat DanID-ip matussavaa, imaattoqarpat

- Tamanna DanID-mut qinnutigigukku
- NemID-mut maleruagassat eqquutsinngikkittit DanID-ip paasippagu

Illit OCES-imik uppernarsaat pigisat nammineerlutit matugukku, matusinerup piviusunngortinnera pillugu uppernarsaat DanID-ip ilinnut nassitutissavaa, tamanna e-mail-ikkut imaluunniit allakkatigut illit najugaqarfittut inuit allattorsimaffiannut nalunaarutigineqarsimasumut pisinnaavoq, taanna DanID-mit pigineqarsimappat. Illit najugaqarfittut inuit allattorsimaffigisat DanID-ip piginngikkuniuk, najukkamut DanID-mut paasissutissiissutiginikuusannut uppernarsaat nassiunneqassaaq. Illit nammineerlutit qinnutiginikuunagu OCES-imik uppernarsaat pigisat DanID-ip matuppagu, e-mail atsiorneqarsimasoq ajornangippallu allakkat aqutigalugit patsisaasoq pillugu DanID-ip nalunaarfigissavaatit.

4.4 Illit OCES-imik uppernarsaatinnik nutarterineq

OCES-imik uppernarsaatip piffissaq atuuffia, illit OCES-imik uppernarsaatinni atuarneqarsinnaavoq. OCES-imik uppernarsaat ukiut sisamat tikillugit atuussinnaavoq. OCES-imik uppernarsaatip atorunnaarnissaa sapaatit akunnerinik sisamanik sioqqullugu, DanID ilinnut nalunaaruteqassaaq, e-mail-ikkut imaluunniit allakkatigut illit inuit allattorsimaffianni najugaqarfinnut nassiussinikkut, taanna DanID-mit pigineqarpat. Piffissap atuuffiusup naannginnerani, illit OCES-imik uppernarsaatit nutartersinnaavat OCES-imik uppernarsaat pigisatoqqat atorlugu. Illit OCES-imik uppernarsaat pigisat qaangiuttoorsimappat imaluunniit matuneqarsimalluni, nutaamik inniminniissaatit.

4.5 Paasissutissat digital-iusumik atsiukkat tigugaangakkit pisussaaffiit akisussaaffillu

Paasissutissat digital-iusumik atsiorneqarsimasut tigusimagukkit, assersuutigalugu e-mail-it imaluunniit allagaatit digital-iusumik atsiukkat paarlaasseqatigiissutigisimanerat patsisaalluni, OCES-imik uppernarsaatip tatigivilernissaa sioqqullugu nassiussisup OCES-imik uppernarsaataa misissorluartariaqarpat

- atuuttuunersoq – ima paasillugu, piffissaq atuuffiusoq OCES-imik uppernarsaammi atuarneqarsinnaasoq qaangiussimannginnersoq
- matuneqarsimannginnersoq – ima paasillugu, taanna DanID-ip nittartagaani DanID-ip matusaatut allassimaffiani allaqqannginnersoq
- atuuffissatut killiussaaratarsinnaasut naapertorlugit atorneqarnersoq, OCES-imik uppernarsaammi atuarneqarsinnaasutuut

4.6 OCES-imik uppernarsaammik piginnittut DanID-ip ilinnut akisussaaffii

Atornerluinermi DanID-ip taarsiissuteqarnissamut akisussaaffia Danmark-imi eqqartuussiviup nalinginnaasumik maleruagassaanik aallaaveqarpoq. Taamaattoq NemID-ip maleruagassaanik eqquutsitsisimanngikkuit, annaasanut DanID akisussaataangilaq.

DanID-mut atuuttumik illit OCES-imik uppernarsaammut pigisannut attuumassuteqartumik taarsiissuteqartoqarnissaa piumasaaqatigisinnaavat.

NemID-mut maleruagassat Danmark-ip eqqartuussiviata oqartussaaffigai. Illit aamma DanID-ip akornanni isumaqatigiinngissutaaratarsinnaasut, isumaqatiginninniarnikkut iluarsineqarsinnaanngitsut København-ip illoqarfiata eqqartuussivianut suliassanngortinneqarsinnaapput.

4.7 Paasissutissat digital-iusumik atsiorneqarsimasut ilinnit tiguneqartillugit DanID-ip ilinnut akisussaaffii

Uppernarsaammik nalunaarsuinermit, tunniussinermit aamma matusinermit atatillugu DanID-ip kukkuneranit annaasaqarneq patsiseqarsimappat, nassiussisup OCES-imik uppernarsaataa piarinerunngitsumik tatigisimagukku, illit annaasannut DanID akisussaasuusaaq. DanID annaasanut akisussaataaassanngilaq, DanID-ip uppernarsarsinnaappagu DanID mianersuaalliortumik imaluunniit piarisumik iliuuseqarsimanngitsoq.

5 Paasissutissat annertunerusut

NemID aamma pisortat digital-iusumik atsiorfissiaat pillugit annertunerusunik paasissutissanik atorfissaqartitsiguit, illit aningaaserivinnut, illit innuttaasunut

sullissiveqarfinnut imaluunniit DanID-mut saaffiginnissinnaavutit. Taakku saniatigut www.nemid.nu -mi annertunerusumik atuagaqarsinnaavutit, tassani oqariartaatsit atorneqarnerusut nassuiarneqarsimapput tassanittaaq uppersaasiisarnermi teknologi pillugu aamma annertunerusumik atuagaqarsinnaavutit.

URL

https://www.nemid.nu/om_nemid/regler/regler_for_nemid/